

## **Regjimi i lejimit të perkohshem**

### Seksioni 1

#### Dispozita të pergjithshme

Për qëllim të nenit 342 deri 402<sup>1</sup>:

- a) “Zyrë doganore e hyrjes” do të thotë: zyra doganore nëpërmjet të cilës mallrat e shoqëruara nga një *Carnet ATA*, hyjnë në territorin doganor të Republikës së Shqipërisë;
  - b) “Zyrë doganore e daljes” do të thotë: zyra doganore nëpërmjet të cilës mallrat e shoqëruara nga një *Carnet ATA*, dalin nga territori doganor i Republikës së Shqipërisë;
  - c) “Mjete transporti” do të thotë: çdo mjet i përdorur për transportin e personave ose të mallrave. Termi i mësipërm përfshin edhe pjesët e këmbimit, aksesorët dhe pajisjet e zakonshme, duke përfshirë ketu edhe pajisjet që nevojten për të stivuar, fiksuar ose siguruar mallrat kur materiale të tilla importohen së bashku me mjetet e transportit;
  - d) “Person i vendosur jashtë territorit doganor të Republikës së Shqipërisë” do të thotë: një person fizik i vendosur jashtë territorit doganor të Republikës së Shqipërisë ose një person juridik i cili ka selinë tregtare të regjistruar jashtë këtij territori;
  - e) “Përdorim tregtar” do të thotë: përdorimi i një mjeti transporti për transportimin e personave për qëllime përfitimi, ose transportimin industrial apo tregtar të mallrave për qëllime përfitimi ose jo;
  - f) “Përdorim privat” do të thotë: përdorim nga ana e një personi e një mjeti transporti vetëm për përdorim vetiak, duke përjashtuar përdorimin tregtar;
  - g) “Konteiner” do të thotë: një lloj pajisje transporti që:
    - i) përbën një ndarje të mbyllur plotësisht ose pjesërisht për të mbajtur mallra;
    - ii) ka karakter të përhershëm dhe njëkohësisht është rezistent në atë masë që të mund të përdoret në mënyrë të përsëritur,
    - iii) është projektuar në mënyrë të tillë që lehtëson transportin e mallrave, nëpërmjet një ose disa mënyrash transporti, pa pasur nevojë për ngarkim-shkarkime të ndërmyetme,
    - iv) është projektuar për t’u manovruar lehtësisht, sidomos gjatë transbordimit nga një lloj transporti në një tjetër,
    - v) është projektuar në mënyrë të tillë që mbushtet dhe zbrazet lehtësisht, me një vëllim të brendshëm prej 1 m<sup>3</sup> e më shumë.
- Edhe platformat e sheshta trajtohen si konteinerë. Termi “*konteiner*” përfshin aksesorë dhe pajisje të konteinerit, të përshtatshme për llojin në fjalë, me kusht që të transportohen bashkë me konteinerin. Ky term nuk përfshin automjetet, aksesorët ose pjesë këmbimi të tyre, ambalazhe dhe paleta. Duke anashkaluar nënparagrafin g(v), termi “*konteiner*” zbatohet edhe për konteineret e përdorur në transportin ajror me vëllim të brendshëm më të vogël se 1 m<sup>3</sup>;
- h) “Transport nën plumbosjen doganore” do të thotë: përdorimin e konteinerëve për transportin e mallrave, identifikimi i të cilave sigurohet me anën e plumbosjes së konteinerit;
  - i) “*Karroceri e levizshme*” do të thotë: një ndarje për ngarkim, e cila nuk ka mjete të pavarura lëvizjeje dhe është e projektuar posaçërisht për t’u transportuar mbi mjetet rrugore në të cilat shasia dhe platforma e të cilave është projektuar për këtë qëllim. Ky përkufizim përfshin kasat e levizshme të cilat formojnë ndarje për ngarkesë të projektuara posaçërisht për transport të kombinuar;
  - j) “*Konteinerë pjesërisht të mbyllur*” do të thotë: një strukturë e cila në përgjithësi përbëhet nga një platformë e vetme dhe nga katër mbajtëse vertikale që kufizojnë një hapësirë ngarkimi të barazvlefshme me atë të një konteineri të mbyllur; superstruktura përbëhet zakonisht nga elementë metalikë që formojnë kornizën e një konteineri; konteinerë të këtij karakteri mund të përbëhen edhe një ose disa parete anësore ose ballore; në raste të caktuara ka vetëm një tavan të lidhur me katin me anën e katër elementëve të superstrukturës vertikale. Konteinerë të këtij lloji përdoren zakonisht për transportimin e mallrave me vëllim të madh (p.sh. automjete);

<sup>1</sup> Shiko nenin 2(9). Ky tekst është rishikuar këtu për lehtësi përdorimi të termave të përkufizuar.

- k) *“Platforma të sheshta”* do të thotë: platforma të lëvizshme ngarkimi, të sheshta, pa struktura të ndërtuara mbi to, ose me struktura të pjesshme, me gjatësi dhe gjerësi të njëjtë me konteinerët dhe që ka kënde të sipërme dhe të poshtme të vendosura në qoshet e konteinerëve për të mundësuar vendosjen e pajisjeve të stivosjes dhe ngritjes që përdoren për konteineret;
- l) *“Aksesorë dhe pajisje të konteinerit”* do të thotë: veçanërisht pajisjet e mëposhtme, të lëvizshme ose jo:
- i) pajisje për kontrollin, ndryshimin dhe ruajtjen e temperaturës brenda konteinerëve;
  - ii) pajisje të vogla si regjistruues të temperaturës, ose të goditjeve, të projektuar në mënyrë të tillë që të tregojnë ndryshimet në kushtet mjedisore dhe goditjet;
  - iii) ndarës të brendshëm, paleta, rafta, mbështetës, çengela, dhe pajisje të tjera për stivimin e mallrave;
- m) *“Paleta”* do të thotë: një pajisje në sipërfaqe të cilës mund të vendosen së bashku një sasi mallrash duke formuar një njësi ngarkese për qëllime transporti, lëvizjeje ose ruajtje apo stivim të mallit, duke përdorur aparatura të tjera mekanike. Pajisja në fjalë përbëhet nga dy kate që lidhen me njëri tjetrin me anë të traversave ose nga një kat i vetëm i mbështetur mbi këmbë, ose nga një kat i veçantë që përdoret për transportin ajror; lartësia e saj e përgjithshme duhet të jetë aq sa të bëjë të mundur lëvizjen me vinça pirun ose karrelet e paletave. Paletat mund të kenë edhe superstrukturë të ngritur mbi to;
- n) *“Përdorues të një konteineri ose paletë”* do të thotë: personi i cili, është ose jo pronari i konteinerit, kontrollon faktikisht lëvizjet e tyre;
- o) *“Përdorues i një konteineri ose paletë”* do të thotë: përdoruesi i konteinerit ose paletës, ose përfaqësuesi i tij;
- p) *“Trafik i brendshëm”* do të thotë: transporti i personave ose mallrave që kanë hipur ose janë ngarkuara në territorin doganor të Republikës së Shqipërisë për të zbritur ose për t’u shkarkuar në një vend tjetër brenda këtij territori.

#### *Neni 342*

Ne perputhje me Pjesën IV, Kreu 2, Seksioni 3F të Kodit, ky kreu përcakton dispozitat për zbatimin e regjimit të lejimit të perkohshëm.

#### Seksioni 2

### **Lejimi i perkohshëm i mallrave që nuk janë mjete transporti**

#### *Neni 343*

1. Regjimi i lejimit të perkohshëm me perjashtim të plotë nga detyrimet e importit jepet për materialet profesionale.
2. *Pajisje profesionale* do të thotë:
  - a) pajisje për shtyp ose transmetim radiofonik apo televiziv, që i nevojiten përfaqësuesve të shtypit ose të transmetimeve radiofonike apo televizive të vendosura jashtë territorit doganor të Republikës së Shqipërisë dhe që vizitojnë Shqipërinë për qëllime reportazhi ose për të transmetuar apo regjistruar materiale për programe të caktuara;
  - b) pajisje kinematografike që i nevojitet një personi të vendosur jashtë territorit doganor të Republikës së Shqipërisë dhe që viziton Shqipërinë për të xhiruar një ose disa filma të caktuar;
  - c) cdo pajisje tjetër të nevojshme për ushtrimin e zanatit, tregtisë ose profesionit nga një person i vendosur jashtë territorit doganor të Republikës së Shqipërisë dhe që viziton Shqipërinë për të kryer një detyrë të caktuar. Nuk përfshin megjithatë, kjo kategori, pajisjet të cilat do të përdoren për prodhimin industrial ose paketimin e mallrave ose (me perjashtim të veglave të dores) për shfrytëzimin e rezervave natyrore, për ndertimin, riparimin ose mirembajtjen e ndërtesave, për gërmimin dhe zhvendosjen e dherave si dhe pune të tjera të ngjashme;
  - d) aparatura ndihmëse për pajisjet e përmendura në nenparagrafet (a), (b) dhe (c) me siper dhe aksesoret përkatës. Lista e mallrave që quhen materiale profesionale pasqyrohet në Aneksin 42.
3. Regjimi i lejimit të perkohshëm përmendur në paragrafin 1, jepet me kusht që pajisjet profesionale :

- a) t'i perkasin një personi të vendosur jashtë territorit doganor të Republikës së Shqipërisë;
- b) të importohen nga një person i vendosur jashtë këtij territori;
- c) të perdoren vetëm ose nen mbikqyrjen personale të personit që viziton këtë territor. Megjithatë, kushtet e këtij paragrafi nuk zbatohen për pajisjet kinematografike që importohen për prodhim filmash, programesh televizive ose vepra audio-vizive, sipas një kontratë bashkeprodhimi të kryer me një person të vendosur në territorin doganor të Republikës së Shqipërisë. Në rastet e prodhimeve të përbashkëta të programeve radiotelevezive, pajisjet profesionale mund të jenë objekt i një kontratë qiraje ose ndonjë marrëveshje të ngjashme në të cilën personi i vendosur në Republikën e Shqipërisë, është palë

*Neni 344*

Pjesët e kembimit që herë pas herë importohen për riparimin e pajisjeve profesionale të cilat janë importuar perkohësisht, gezojnë lehtësirat e regjimit të lejimit të perkohshëm në kushte të njëjta me vetë pajisjet.

*Neni 345*

1. Regjimi i lejimit të perkohshëm me perjashtim të plotë nga detyrimet e importit jepet për:
  - a) mallrat që importohen me qëllimin për t'u ekspozuar ose shfaquar në ndonjë aktivitet të veçantë;
  - b) mallrat që importohen me qëllimin për të realizuar ekspozimin ose shfaqjen në ngjarjen përkatëse të mallrave të importuara, duke përfshirë:
    - i) mallra që nevojiten për të demonstruar makineritë e importuara ose aparatat që realizojnë paraqitjen,
    - ii) konstruksione dhe materiale zbukurimi, përfshirë pajisje elektrike për stenda të perkohshme të personave të vendosur jashtë Republikës së Shqipërisë,
    - iii) materiale reklame dhe demonstrimi dhe pajisje të tjera siç është materiali reklamues për mallrat e ekspozuara, apo të tilla si regjistrime zanore ose pamore, filma dhe diapozitiva, sëbashku me aparatat e nevojshme për përdorimin e tyre;
  - c) pajisje, duke përfshirë pajisje perkthimi, aparatura regjistrimi të zërit ose figurës si dhe filma me karakter edukativ, shkencor dhe kulturor, me qëllim përdorimi në takime ndërkombetare, konferenca dhe kongrese;
  - d) kafshë të gjalla për t'u ekspozuar ose për të marrë pjesë në ndonjë ngjarje të veçantë;
  - e) produktet që mund të përftoheshin gjatë ngjarjes përkatëse prej mallrave, makinerive, aparateve ose kafshëve të importuara me lejim të perkohshëm.
2. *Ngjarje* do të thotë kuptojmë:
  - a) ekspozita, panairë, dhe shfaqje të ngjashme me karakter tregtar, industrial, bujqësor ose artizanale;
  - b) ekspozitat ose takime e organizuara kryesisht me qëllime bamiresie;
  - c) ekspozitat ose takime e organizuara kryesisht për qëllime shkencore, teknike, artizanale, artistike, edukative ose kulturore, sportive, fetare dhe kulturi, sindikale, turistike ose, me qëllim nxitjen e marrëdhëniet të miqësive mes vendeve të ndryshme;
  - d) takime të perfaqësuesve të organizatave ose shoqatave ndërkombetare;
  - e) ceremoni dhe manifestime me karakter zyrtar ose perkujtimor, me perjashtim të ekspozitave të organizuara për qëllime private në dyqane ose ambiente të tjera tregtare në synim shitjen e mallrave të importit.

*Neni 346*

1. Regjimi i lejimit të perkohshëm me perjashtim të plotë nga detyrimet e importit jepet edhe për:
  - a) materiale pedagogjike dhe pajisjet shkencore;
  - b) pjesë kembimi dhe aksesore për këto materiale ose pajisje;
  - c) vegla për mirëmbajtjen, kontrollin, kalibrimin ose riparimin e një materiali ose pajisjeje të tilla.

2. *Materiale pedagogjike* do të thotë: çdo material që nevojitet për qëllimin e vetëm të mesimdhënieve ose kualifikimit profesional, vecanerisht modele, instrumenta, aparate dhe makina. Lista e mallrave që quhen material pedagogjik pasqyrohet në Aneksin 43. Një listë ilustruese e mallrave që importohen në lidhje me aktivitetet edukative, shkencore ose kulturore është dhënë në Aneksin 44.

3. *Pajisje shkencore* do të thotë : pajisje për t'u përdorur vetëm për kërkime shkencore ose mesimdhënie, dhe vecanerisht modele, instrumente, aparate dhe makina.

4. Regjimi i lejimit të perkohshëm i referuar në paragrafin 1, jepet me kusht që materialet pedagogjike ose pajisjet shkencore, pjesët e kembimit, aksesoret dhe veglat:

- a) të importohen nga ente të miraturara dhe përdoren nën kontrollin dhe përgjegjësinë e këtyre të fundit;
- b) të përdoren për qëllime jo tregtare;
- c) të importohen në sasi të arsyeshme, duke patur parasysh destinacionin e tyre;
- d) të mbeten, gjatë gjithë qëndrimit të tyre në territorin doganor të Republikës së Shqipërisë, prona e një personi të vendosur jashtë këtij territori;

5. Materiale të tilla pedagogjike ose pajisje shkencore mund të qëndrojnë nën regjimin e lejimit të perkohshëm për një periudhë 12 muaj.

6. Për qëllim të paragrafit 4(a), *ente të miratuara* do të thotë, në rastin e materialeve pedagogjike, ente mesimdhënieje ose trainimi profesional, publike ose private, të cilat në thelb nuk kanë përfitimin ekonomik dhe janë miratuar nga Drejtoria e Përgjithshme e Doganave si marrese të materialit pedagogjik nën regjimin e lejimit të perkohshëm.

7. Për qëllim të paragrafit 4(a), *ente të miratuara* do të thotë, në rastin e pajisjeve shkencore, ente shkencore ose masimdhënëse, publike ose private, të cilat në thelb nuk kanë përfitimin ekonomik dhe janë miratuar nga Drejtoria e Përgjithshme e Doganave si marrese të pajisjeve shkencore nën regjimin e lejimit të perkohshëm.

#### Neni 347

1. Regjimi i lejimit të perkohshëm me përjashtim të plotë nga detyrimet e importit jepet edhe për pajisje mjeksore, laboratorike, kirurgjikale që nevojiten për spitalet dhe institucionet e tjera mjeksore.

2. Regjimi i lejimit të perkohshëm i referuar në paragrafin 1 jepet me kusht që pajisjet në fjale:

- a) të jenë objekt dergesash rastësore dhe të dhëna hua pa pagesë;
- b) importohen për qëllime diagnostikimi ose terapeutike.

3. *Pajisje të derguara në bazë rastësore* do të thotë çdo pajisje mjeksore, kirurgjikale ose laboratorike që i dërgohet, kundërshtuar kërkesës, një spitali ose qendër shëndetsore, që është duke u ballafaquar me rrethana të jashtëzakonshme dhe ka nevojë urgjente për këto pajisje për të përballuar mungesat që ato kanë në pajisje të tilla.

#### Neni 348

1. Regjimi i lejimit të perkohshëm me përjashtim të plotë nga detyrimet e importit jepet edhe për materiale të cilat përdoren në kuadrin e masave për të menjanuar pasojat e katastrofave që ndodhin në territorin doganor të Republikës së Shqipërisë.

2. Regjimi i lejimit të perkohshëm që jepet sipas paragrafit 1, i nënshtrohet kushtit që materialet në fjale:

- a) të importohen në formë huadhenieje pa pagesë;
- b) të përdoren nga Institucione shtetërore ose nga organizma të miratuara nga Drejtoria e Përgjithshme e Doganave.

#### Neni 349

1. Regjimi i lejimit të perkohshëm me përjashtim të plotë nga detyrimet e importit jepet edhe për ambalazhet.

2. *Ambalazhe* do të thotë:

- a) mbajtësit e përdorur, ose që do të përdoren në gjendjen në të cilën janë importuar, për ambalazhimin e jashtëm ose të brendshëm të mallrave;

- b) materialet ndihmëse në të cilat mallrat janë, ose do të jenë, mbështjell, palosur ose fiksuar, me perjashtim të materialeve abalazhuese si kashta, letra, leshi i xhamit, tallash, të importuar rifuxho.
3. Regjimi i lejimit të perkohshem i referuar ne paragrafin 1, jepet me kusht që amabalazhet:
- a) e importuar të mbushur, të deklarohen se do të rieksporthen të zbrazur ose të mbushur;
  - b) e importuar të bosh, të deklarohen se do të rieksporthen të mbushur.
4. Ambalazhet e vendosur nen regjimin e lejimit të perkohshem nuk mund të perdoren, qoftë edhe rastësisht, ne trafikun e brendshem, me perjashtim të rastit kur synohet të eksportohen mallrat nga territori doganor i Republikës së Shqipërisë. Ne rastin e ambalazheve të importuara të mbushura, ky kufizim zbatohet vetëm duke filluar nga casti ne të cilin zbrazet nga permbajtja e tyre.
5. Ambalazhet mund të qëndrojnë nen regjimin e lejimit të perkohshem per një periudhe prej 6 muajsh.

*Neni 350*

1. Regjimi i lejimit të perkohshem me perjashtim të plotë nga detyrimet e importit jepet edhe per mallrat që vijojne:
- a) stampa, matrica, presforma, klishe, dizenjo, projekte, dhe objekte të tjera të ngjashme, të cilat i dergohen një personi të vendosur ne territorin doganor të Republikës së Shqipërisë, kur të paktën 75% e prodhimit që del prej perdorimit të tyre eksportohet nga ky territori;
  - b) instrumente matëse, kontrolli, verifikimi ose objekte të tjera të ngjashme të cilat destinohen per një person të vendosur ne territorin doganor të Republikës së Shqipërisë, per perdorim ne prodhimin e mallrave, kur të paktën 75% e prodhimit që del nga perdorimi i tyre eksportohet nga ky territor;
  - c) vegla dhe instrumenta të cilat i vihen ne dispozicion një personi të vendosur ne territorin doganor të Republikës së Shqipërisë per perdorim ne fabrikimin e mallrave të cilat eksportohen plotësisht, me kusht që të tilla vegla dhe instrumente të mbeten prone e personit të vendosur jashtë territorit doganor të Republikës së Shqipërisë;
  - d) mallra të cdo lloji, të cilat i nenshtrohen provave, eksperimentave, ose demonstrimeve, duke perfshire eksperimentet e nevojshme per proceduren e homologimit, me perjashtim të provave, eksperimenteve dhe demonstrimeve që perbejne aktivitet me qëllim fitimi;
  - e) mallra të cdo lloji, që duhet të perdoren per kryerje e provave, eksperimenteve ose demonstrimeve, me perjashtim të provave, eksperimentave dhe demonstrimeve që perbejne aktivitet me qëllim fitimi;
  - f) mostra, p.sh. artikuj që perfaqësojnë një kategori të caktuar mallrash, të prodhuara ose që jane shembuj mallrash, të cilat duhet të prodhohen, perjashtuar artikuj identike të sjelle nga i njëjti individ, ose derguar një marresi të vetëm, ne masen që e marre ne tëresi, sipas perdorimit të zakonshem tregtar nuk perbejne me mostra.
2. Per të perfituar regjimin e lejimit të perkohshem, sipas paragrafit 1:
- a) mallrat e permendura ne nenparagrafin (a), (b), (c) dhe (f) me siper duhet të jene prone e një personi të vendosur jashtë territorit doganor të Republikës së Shqipërisë;
  - b) mostrat e permendura ne ne piken (f) të paragrafit ne fjale, duhet të importohen vetëm per t'u ekspozuar ose demonstruar ne territorin doganor të Republikës së Shqipërisë per porosi per mallra të ngjashme që të importohen ne këtë territor. Keto mostra nuk duhet të shiten ose të vendosen ne perdorimin e zakonshem ose të perdoren ne cdo menyre tjetër gjatë kohes që jane ne territorin doganor të Republikës së Shqipërisë, perjashtuar rastet e demonstrimit.

*Neni 351*

1. Regjimi i lejimit të perkohshem me perjashtim të plotë nga detyrimet e importit jepet edhe per mjetet zevendesuese të prodhimit.
2. Mjetet zevendesuese të prodhimit mund të qëndrojnë nen regjimin e lejimit të perkohshem per një periudhe prej 6 muajsh.
3. *Mjete zevendesuese të prodhimit* do të thotë: instrumenta, aparatura, ose makina të cilat i

vihen ne dispozicion klienteve nga furnizuesi ose riparuesi, .falas dhe perkohesisht, gjatë kohës që pritet dorezimi ose riparimi i mallrave të ngjashme.

*Neni 352*

1. Regjimi i lejimit të perkohshem me perjashtim të plotë të detyrimeve të importit, jepet edhe per:

- a) mallrat e dorës së dytë, per t'u shitur ne ankand;
- b) mallra të importuara ne kuadrin e një kontratë shitjeje që duhet ti nënshtrohet provave të mjaftueshme;
- c) vepra arti, artikuj koleksioni dhe antikuare, të importuara per t'u ekspozuar, me synim shitjen e tyre të mundshme;
- d) dergesat me provë të artikujve të peliçeve, gureve te çmuar, qilimave dhe artikujve të bizhuterisë, me kusht që të kene karakteristika të caktuara që nuk lejojne të importohen si mostra.

2. Periudha kohore gjatë së cilës mallrat e referuara në paragrafin 1, mund të qëndrojnë në regjimin e lejimit të përkohshëm do të jetë 6 muaj në rastet e (a)dhe (c), 3 muaj në rastet e (b) dhe 1 muaj në rastet e (d).

3. Për qëllim të këtij neni :

- a) *mallra të dores se dytë*: do të thotë mallrat të ndryshme nga mallrat sapoproduhuara ose të përdorura;
- b) *vepra arti, artikuj koleksioni dhe antikuare*: do të thotë mallra të përcaktuara si në Aneksin 45;
- c) *dergim per prove*: do të thotë dergimin e mallrave që derguesi kerkon të shese dhe që marresi mund t'i bleje, pas proves se tyre.

*Neni 353*

Regjimi i lejimit të perkohshem me perjashtim të plotë nga detyrimet e importit jepet edhe per:

- a) pozitive filmash kinematografike, të zhvilluar dhe stampuar dhe pajisje të tjera mbajtëse të pamjes të regjistruara dhe të destinuara per t'u pare perpara perdorimit të tyre tregtar;
- b) filma, shirita dhe disqë magnetike dhe pajisje të tjera mbajtëse të zërit dhe të figures që importohen per t'u pajisur me kolone zanore, për tu dubluar, ose riprodhuar;
- c) filma që tregojne natyren ose funksionimin e produkteve ose materialeve të huaja, me kusht që të mos kene per qëllim shfaqjet publike kundrejt pageses;
- d) pajisje mbajtëse informacioni, të regjistruara, të derguara falas dhe me qëllim perdorimin e tyre ne perpunimin automatik të të dhenave;

*Neni 354*

1. Regjimi i lejimit të perkohshem me perjashtim të plotë nga detyrimet doganore jepet edhe per sende vetiake dhe mallra të importuara per qëllime sportive.

2. Për këtë qëllim:

- a) *udhetar* do të thotë personi i permendur ne nenin 63 të Kodit;
- b) *sende vetiake* do të thotë gjithë sendet e reja ose të perdorura të cilat i nevojiten normalisht një udhetari gjatë udhetimit, per perdorimin e tij vetiak, duke patur parasysh të gjithë rrethanat e udhetimit, por duke perjashtuar mallrat e importuara per qëllime tregtare;
- c) *mallra të importuara per qëllim sportive*: artikuj sportive dhe materiale të tjera per t'u perdorur nga udhetari gjatë konkurrimeve ose shfaqjeve sportive ose me qëllim stërvitjeje që do të kryhet ne territorin doganor të Republikës së Shqipërisë.

3. Sendet vetiake duhet të rieksporthen jo më vonë se ne castin kur personi që i importoi largohet nga territori doganor i Republikës së Shqipërisë. Mallrat e importuara per qëllim sportive mund të qëndrojnë nen regjimin e lejimit të perkohshem per një periudhe prej 12 muajsh.

4. Lista ilustruese e mallrave të ketilla pasqyrohet ne Aneksin 46.

*Neni 355*

1. Regjimi i lejimit të perkohshem me perjashtim të plotë nga detyrimet e importit jepet edhe per materiale që sherbejne per publicitet turistik.

2. *Materiale publiciteti turistik* do të thotë mallrat qëllimi thelbësor i të cilave është të nxise publikun të vizitoje vende të huaja, vecanerisht kur behet për ndjekjen e aktiviteteve kulturore, fetare, turistike, mbledhje profesionale ose sportive ose ngjarjet që zhvillohen në këto vende.

3. Lista ilustruese e këtyre mallrave pasqyrohet në Aneksin 47.

*Neni 356*

1. Regjimi i lejitimit të perkohshëm me përjashtim të plotë nga detyrimet e importit jepet edhe për pajisje dhe kafshe të çdo lloji të importuara për qëllimet e përmendura në Aneksin 48.

2. Regjimi i lejitimit të perkohshëm të cilit i referohet paragrafi 1 jepet me kusht që:

- a) kafshet janë prone e një personi të vendosur jashtë territorit doganor të Republikës së Shqipërisë;
- b) pajisjet janë prone e një personi të vendosur jashtë territorit doganor të Republikës së Shqipërisë por në një zonë kufitare fqinjë;
- c) kafshet e punës dhe pajisjet janë importuar nga një personi i vendosur në një zonë kufitare fqinjë me territori doganor të Republikës së Shqipërisë për të punuar token që ndodhet brenda territorit doganor të Republikës së Shqipërisë, punë që përfshin kryerjen e punimeve bujqësore ose pylltarisë, përfshire edhe shkarkimin ose transportin e drurit, ose peshkimin;

3. *Zonë kufitare* do të thotë, pa rene ndesh me konventat në fuqi për këtë fushë, në zonë e cila, në vijë ajrore, nuk shtrihet më tej se 15 km nga kufiri. Ndarja administrative territori i të cilit shtrihet brenda kesaj zone, quhet pjesë e kesaj zone kufitare, pa përjashtuar edhe ndonjë anashkalim të rastit.

*Neni 357*

1. Regjimi i lejitimit të perkohshëm me përjashtim të plotë nga detyrimet e importit jepet edhe për materialet e furnizimit, dërguar për detaret.

2. Për këtë qëllim:

- a) *material furnizimi* do të thotë materiale që shërbejnë për aktivitetet kulturore, sportive, arsimore, shlodhese, ose fetare nga detaret;
- b) *detar* do të thotë gjithë personat e transportuar në bordin e një mjeti lundrues dhe që kryejnë detyra që kanë për objekt funksionimin ose shërbimin detar të mjetit lundrues në det.

3. Lista e mallrave që quhen si materiale furnizimi për detaret jepet në Aneksin 49.

4. Regjimi i lejitimit të perkohshëm për mallrat e përmendura në paragrafin 1, jepet me kusht që materiali të jetë:

- a) shkarkuar nga një mjet lundrues që merret me trafikun nderkombëtar ujor, për t'u përdorur për kohësisht në breg nga ekuipazhi për një periudhë kohe jo më të gjatë se koha e qëndrimit në port;
- b) importuar për përdorim të perkohshëm në qendrat kulturore ose sociale për një periudhë 6 mujore. *Qendra kulturore dhe sociale* do të thotë vendi i grumbullimit, klubi dhe lokalet e shlodhjes për detaret, të drejtuara nga organizma zyrtare ose fetare ose organizma të tjera jofitimprures, dhe vendet e kultit ku festohen rregullisht shërbimet fetare për detaret.

*Neni 358*

Regjimi i lejitimit të perkohshëm me përjashtim të plotë nga detyrimet e importit jepet edhe për materiale të ndryshme të përdorura në mbikqyrjen dhe përgjegjësinë e autoriteteve publike për ndertimin, riparimin ose mirëmbajtjen e infrastrukturave me rëndësi të karakterit të përgjithshëm në zonën kufitare.

*Neni 359*

1. Regjimi i lejitimit të perkohshëm me përjashtim të plotë nga detyrimet e importit jepet për mallrat e importuara për kohësisht në territorin doganor të Republikës së Shqipërisë për situata të vecanta që nuk kanë ndikim ekonomik.

2. Lejimi i perkohshëm i mallrave të importuara në baze rastësore për të qëndruar në territorin doganor të Republikës së Shqipërisë për një periudhë jo më të gjatë se 3 muaj, vlera e të cilave është më pak se 150.000 Leke, quhet situatë e vecantë pa ndikim ekonomik.

*Neni 360*

1. Drejtoria e Përgjithshme e Doganave mund të vendose të jape perjashtim të plotë nga detyrimet e importit në vend të përjashtimit të pjesshëm, të cilit i referohet neni 162 të Kodit për mallrat e importuara në territorin e vet në baze rastësore për një periudhë jo më të gjatë se 3 muaj.
2. Me kalimin e afatit brenda të cilit mallrat mund të qëndrojnë nën regjimin e vendosur sipas këtij neni, mallrave iu caktohet një destinacion i ri doganor ose vendosen nën regjimin e lejimit të perkohshëm me përjashtim të pjesshëm nga detyrimet doganore. Nëse bëhet e nevojshme të përcaktohen detyrimet doganore sipas regjimit të përjashtimit të pjesshëm, merret parasysh data në të cilën mallrat u vendosën nën regjimin e lejimit të perkohshëm sipas paragrafit 1.

*Neni 361*

Në përputhje me nenin 162 (1) të Kodit, Drejtoria e Përgjithshme e Doganave mund të vendosë të japë regjimin e lejimit të perkohshëm me përjashtim të pjesshëm të detyrimeve të importit. Lista e mallrave për të cilat mund të jepet regjimi i lejimit të perkohshëm me përjashtim të pjesshëm të detyrimeve doganore pasqyrohet në Aneksin 50.

*Neni 362*

1. Kërkesa bëhet në përputhje me nenin 234 dhe sipas modelit të Aneksit 29 dhe paraqitet nga personi të cilit mund t'i jepet autorizimi sipas neneve 109 dhe 158 të Kodit.
2. Pa rënë ndesh me procedurat e thjeshtuara për kërkesat, kjo e fundit depozitohet në Drejtorinë e Përgjithshme të Doganave.

*Neni 363*

1. Pa rënë ndesh me procedurën e thjeshtuar për autorizimet, autorizimi lëshohet nga Drejtoria e Përgjithshme e Doganave dhe përpilohet sipas modelit të Aneksit 34.
2. Çdo autorizim duhet të shoqërohet nga një formular i quajtur Regjistër i importit me lejim të perkohshëm që do të jetë pjesë përbërëse e çdo autorizimi. Modeli i Regjistrit të lejimit të perkohshëm është dhënë në Aneksin 34. Të gjithë vendosjet në regjim duhet të regjistrohen në këtë formular në bazë të udhëzimeve që do të nxjerrë Drejtoria e Përgjithshme e Doganave.

*Neni 364*

Afati i vlefshmërisë së autorizimit caktohet nga Drejtoria e Përgjithshme e Doganave rast pas rasti, duke patur parasysh nevojat përkatëse të kërkuarit.

*Neni 365*

1. Kur lëshon një autorizim, Drejtoria e Përgjithshme e Doganave duhet të caktojë edhe afatin brenda të cilit mallrave të importuara perkohësisht duhet t'u caktohet një destinacion doganor, duke marrë parasysh afatet specifike të përcaktuara në Kod dhe në aktet nënligjore dhe kohen që nevojitet për të arritur objektivin e për të cilin është kërkuar lejimi i perkohshëm.
2. Zgjatja e afatit të dhënë në tejkallim të afatit të parashikuar duhet të caktohet në mënyrë të tillë që të marre parasysh rrethanat që kanë penguar mbajtësin e autorizimit të plotësojë detyrimin për të rieksportuar mallrat brenda afatit fillestar.

*Neni 366*

1. Ky nen zbatohet kur nuk kërkohet zbatimi i nenit 162 (1) të Kodit.
2. Zyra doganore e autorizuar nga Drejtoria e Përgjithshme e Doganave për të dhënë autorizime duke përdorur procedurën e thjeshtuar lejon që një deklaratë për vendosjen nën regjim të jetë njëkohësisht edhe kërkesë për autorizim. Në këtë rast, pranimi i deklaratës është edhe dhenia e autorizimit, me kusht që ky pranim t'i nënshtrohet sidoqoftë rregullave që lidhen me dhenien e autorizimit, duke përfshirë edhe vendimin e zyres doganore të kontrollit, treguar në kutinë 44 të formularit.
3. Deklarata e paraqitur sipas paragrafit 2, duhet të shoqërohet nga një dokument i përpiluar nga deklaruesi ku përmban të dhënat e mëposhtëme, të cilat janë të nevojshme por nuk mund të shenohen dot në kutinë 44 të formularit të përdorur për vetë deklaratën:
  - a) kur personi që kërkon të përdorë regjimin nuk është i njëjti person me deklaruesin, duhet të jepet emri ose titulli i aktivitetit dhe adresa e kërkuarit, dhe kur është rasti, edhe e pronarit të mallrave;



- b) kur perdoruesi nuk është i njëjti person me kerkuesin ose deklaruesin, duhet të jepet emri i aktivitetit dhe adresa e perdoruesit të mallrave;
  - c) nenin sipas se cilit behet kërkesa;
  - d) afatin gjatë të cilit pritet që mallrat të qëndrojnë nen regjim;
  - e) vendin ku do të perdoren mallrat.
4. Depozitimi i një deklaratë duke perdorur proceduren e thjeshtuar per kërkesat, e nënshkruar nga deklaruesi, duhet të tregojë që personi i interesuar kërkon të perdore regjimin doganor të kerkuar dhe ai, pa rrene ndesh me zbatimin e mundshem të dispozitave penale, sipas dispozitave ne fuqi, është pergjegjes per:
- a) saktësinë e të dhenave në deklaratë;
  - b) vërtetësinë e dokumentave që e shoqërojnë atë; dhe
  - c) përmbushjen e të gjithë detyrimeve që lidhen me regjimin e kerkuar.
5. Autoritetet doganore mbajne deklaraten me anekset perkatëse, bashke me cdo autorizim që është leshuar.
6. Kur jepet një autorizim, kërkesa, anekset dhe vetë autorizimi ruhen nga autoritetet doganore për të paktën 3 vjet nga fundi i vitit kalendarik në të cilin skadon autorizimi.
7. Kur nuk pranohet kërkesa ose anulohet apo revokohet autorizimi, kërkesa dhe vendimi i mospranimit të kërkeses ose autorizimi, sipas rastit, dhe gjithë anekset mbahen nga autoritetet doganore per të paktën 3 vjet nga fundi i vitit kalendarik ne të cilin kërkesa nuk u pranua ose autorizimi u anulua ose revokua.

#### *Neni 367*

1. Paraqitja e *Carnet* ATA, në zyrën doganore të autorizuar në mënyrën e duhur nga Drejtoria e Përgjithshme e Doganave, për të përdorur regjimin e lejimit të përkohshëm, është e barazvlefshme me paraqitjen e kërkeses per autorizim, dhe pranimi i *Carnet*it (fleta lejimit të përkohshëm), është e barazvlefshme me dhënien e autorizimit për të përdorur regjimin.
2. Mallrat që mund të importohen perkohesisht ne perputhje me regjimin e permendur ne paragrafin 1, renditen ne Aneksin 51.
3. *Carnet*et ATA do të pranohen nga zyrat doganore vetëm nëse janë:
  - a) lëshuar në një vend i cili është palë nënshkruese e konventës ATA dhe e firmosur dhe vulosur dhe e garantuar nga një shoqatë që është pjesë e një zinxhiri ndërkombëtar garantimi; dhe
  - b) vërtetuar nga autoritetet doganore në seksionin përkatës të kopertinës; dhe
  - c) të vlefshme në territorin doganor të Republikës së Shqipërisë.

#### *Neni 368*

1. Sendet vetiake të udhetarëve dhe mallrat e importuara për qëllime sportive sipas Aneksit 46 do të vendosen nen regjimin e lejimit të perkohshem pa këkesë me shkrim apo me goje dhe pa autorizim.
2. Kur është fjala per një shume të madhe detyrimesh importi dhe pagesash të tjera, nuk zbatohet paragrafi 1 përse i perket sendeve vetiake dhe mallrave të importuara per qëllime sportive. Në këtë rast, zbatohet *mutatis mutandis* procedura e thjeshtuar për kërkesat.

#### *Neni 369*

1. Deklarata për vendosjen e mallrave nën regjimin e lejimit të përkohshëm depozitohet në njërën nga zyrat doganore të treguara në autorizim për vendosjen nën regjim.
2. Kur zbatohet procedura e thjeshtuar për autorizimet, deklarata për vendosjen e mallrave nën regjimin e lejimit të përkohshëm, depozitohet në zyrën doganore të autorizuar në mënyrën e duhur.
3. Kur importimi i përkohshëm kryhet nëpërmjet *Carnet* ATA, ky i fundit, për t'i vendosur mallrat të vendosen nen regjimin e lejimit të përkohshëm, duhet të paraqitet në cdo zyrë doganore të autorizuar në mënyrën e duhur. Megjithatë, kjo zyre lejon që mallrat të mbarten ne zyren e destinacionit që është ne gjendje të kryeje keto kontrole nen *Carnet* ATA të perdorur si dokument tranziti kur:
  - a) zyra doganore e autorizuar në mënyrën e duhur nuk është ne gjendje të kontrolloje plotësimin e gjithë kushteve të cilave u nenshtrohet regjimi i lejimit të përkohshem, ose

- b) zyra doganore ku mallrat hyjnë në territorin doganor nuk është e autorizuar të veproje si zyre vendosjeje nën regjim.
4. Drejtoria e Përgjithshme e Doganave lëshon autorizimet për të lejuar zyrat doganore të veprojne si zyra për vendosjen nën regjim.

*Neni 370*

1. Për qëllim të nenit 111 të Kodit, vendosja nën regjimin e lejimit të perkohshem i nenshtrohet depozitimit të një garancie.
2. Duke anashkaluar paragrafin 1, në Aneksin 52 renditen rastet në të cilat nuk nevojitet garanci për vendosjen e mallrave nën regjimin e lejimit të perkohshëm.

*Neni 371*

1. Garancia duhet të depozitohet në Drejtorinë e Përgjithshme të Doganave, në mënyrë që të sigurohet pagesa e cdo borxhi doganor dhe cdo pagese tjetër që mund të lindë lidhur me mallrat.
2. Garancia duhet të zhblokohet nga zyra që lëshon autorizimin me njëherë sapo kjo e fundit merr të konfirmuar nga zyra e mbylljes së regjimit :
- a) kopjen 3 të deklaratës së rieksporimit, ose
- b) një kopje të dokumentit të vendosjes nën regjim të mallrave për ne destinacion të ri doganor, ose prova të mjaftueshme për autoritetet doganore që mallrave iu është caktuar një destinacion tjetër doganor.

*Neni 372*

1. Deklarata për vendosjen e mallrave nën regjimin e lejimit të perkohshem perpilohet sipas neneve 121 deri 161.
2. Pa rënë ndesh me procedurën e thjeshtuar për kërkesat, përshkrimi i mallrave në deklaratën e përmendur në paragrafin 1 duhet të përputhet me specifikimet e bëra në autorizim.
3. Cdo deklaratë importi duhet të përmbajë kodin IM5 në kutinë 1 të deklaratës si dhe numrin dhe datën e autorizimit të lejimit të perkohshëm në kutinë 44. Formulari Regjistër i eksportit për lejimin e perkohshëm, sic është treguar në Aneksin 34, duhet të lëshohet për cdo deklaratë që i vendos mallrat nën regjim dhe formon pjesë përbërëse të kopjes së deklaratës që mbahet nga autoritetet doganore. Të gjitha daljet (eksportet) duhet të regjistrohen në këtë formular në përputhje me udhëzimet e nxjerra nga Drejtoria e Përgjithshme e Doganave. Deklarata e importit, së bashku me të gjithë dokumentat që i bashkëngjiten, duhet që pas clirimit të dërgesës, të ruhet në një dosje të vecantë për cdo shoqëri të autorizuar për të përdorur regjimin e lejimit të perkohshëm.
4. Kur regjimi i lejimit të perkohshem behet nën *Carnet ATA*, zyra doganore e vendosjes nën regjim duhet të kryejë veprimet e mëposhtme:
- a) të verifikojë informacionin e dhënë në kutitë nga A deri në G të fletës së importimit;
- b) të plotësojë kundrafletën dhe kutinë H të fletës së importimit; data përfundimtare për rieksporimin e mallrave që shënohet në kutinë H (b), nuk duhet të jetë më vonë se data në të cilën skadon afati i *Carnetit*, pa rënë ndesh me afatet e vecanta të përmendura në nenin 160 të Kodit;
- c) të shkruajë emrin dhe adresën e zyrës së vendosjes nën regjim në kutinë H (e) të fletës së rieksporimit; dhe
- d) të mbajë fletën e importimit.

*Neni 373*

Dhënia e një destinacioni doganor mallrave nën regjimin e lejimit të perkohshem me përjashtim të pjesshëm i nënshtrohet ndonjë detyrimi që pagohet sipas nenit 163 të Kodit.

*Neni 374*

1. Deklarata për mbylljen e regjimit të lejimit të perkohshëm depozitohet në njërin nga zyrat doganore të treguara në autorizim për mbylljen e regjimit, duke përjashtuar zbatimin e procedurave të thjeshtuara për kërkesat.
2. Kur zbatohet procedura e thjeshtuar për kërkesat, deklarata të cilës i referohet paragrafi 1, depozitohet në zyrën doganore ka lëshuar autorizimin.

3. Kur regjimi i lejimit të përkohshëm kryhet nëpërmjet *Carnet ATA*, ky i fundit paraqitet në zyrën doganore të autorizuar për mbylljen e regjimit.
4. Cdo deklaratë për bylljen e regjimit të lejimit të përkohshëm duhet të përmbajë në kutinë 44 numrin dhe datën e autorizimit për lëjimin e përkohshëm.

*Neni 375*

1. Deklarata për mbylljen e regjimit të lejimit të përkohshëm behet në përputhje me dispozitat e përcaktuara për destinacionin doganor përkatës.
2. Përshkrimi i mallrave të importit në deklaratën e referuar në paragrafin 1, duhet të përputhet me specifikimet e bëra në autorizim.
3. Kur regjimi i lejimit të përkohshëm kryhet nëpërmjet *Carnet ATA*, zyra doganore e mbylljes së regjimit duhet të:
  - a) plotësojë kundër fletën dhe kutinë H të fletës të rieksporimit;
  - b) mbajë formularin e rieksporimit dhe pa vonesë t'ia kthejë zyrës së përmendur në kutinë H (e).

*Neni 376*

Në përputhje me nenin 164 (1) të Kodit, në rastin e mallrave për t'u ekspozuar ose për t'u përdorur në ekspozita, panaire, mbledhje ose ngjarje të këtij karakteri, ose mallra të dorës së dytë të cilat janë importuar për t'u shitur në ankand ose veprat e artit, artikuajt e koleksionit dhe antikuaret e importuara për ekspozim, ose dërgesat me prove të artikuajve të pelicerise, gurëve e çmuar, qilimave dhe artikuajve të bizhuterisë, koha e caktuar për qëllim të përcaktimit të borxhit doganor është koha e pranimit të deklaratës për vendosje në qarkullim të lirë.

*Neni 377*

1. Kur lind një borxh doganor lidhur me mallrat e vendosura paraprakisht nën regjimin e lejimit të përkohshëm, paguhet interes kompensues për shumën totale të detyrimeve të importit që zbatohen në rastin në fjalë.
2. Nuk zbatohet paragrafi 1:
  - a) kur lind një borxh doganor në përputhje me nenin 216 (1) (b) të Kodit;
  - b) kur lind një borxh doganor dhe është depozituar një garanci nepermjet një depozite me para në dorë, të barabarte me njëren prej shumave të borxhit doganor të përcaktuara në nenin 207 (1) të Kodit;
  - c) kur lind një borxh doganor për shkak të vendosjes në qarkullim të lirë të mallrave të cilat ishin vendosur nën regjimin e lejimit të përkohshëm për ekspozim ose përdorim në ekspozita, panaire, mbledhje ose ngjarje të këtij karakteri, ose mallra të dorës së dytë të cilat janë importuar për t'u shitur në ankand ose veprat e artit, artikuajt e koleksionit dhe antikuaret e importuara për ekspozim, ose dërgesat me prove të artikuajve të pelicerisë, gurëve të çmuar, qilimave dhe artikuajve dhe bizhuterisë;
  - d) kur interesi kompensues, i përlogaritur në përputhje me paragrafin 3, nuk kapërcen 1 000 Lekë për çdo borxh doganor të lindur;
  - e) kur mbajtësi i autorizimit kërkon vendosjen në qarkullim të lirë dhe paraqet prova që për rrethana të veçanta, që nuk janë shkaktuar prej neglizhencës ose mashtrimit e bëjnë të pamundur ose jo të vulltshme ekonomikisht kryerjen e operacioneve të rieksporimit sipas kushteve që ai kishte parashikuar dhe arsyetuar në kohën kur bëri kërkesë për autorizim;
  - f) kur neni 293 zbatohet *mutatis mutandis*.
3.
  - a) niveli vjetor i interesit është ai nivel që është në fuqi në kohën kur lind borxhi doganor.
  - b) interesi zbatohet në bazë mujore për periudhën që fillon nga dita e parë e muajit që ndjek muajin në të cilin mallrat e importit kanë qënë vendosur në regjim dhe mbaron ditën e fundit të muajit në të cilin lindi borxhi doganor. Periudha kohore minimale për të cilën mund të kërkohe interes kompensues është një muaj.
  - c) shuma e interesit përlogaritet në bazë të detyrimeve të importit të zbatueshme, nivelit të interesit të referuar në nënparagrafin (a) dhe periudhën e referuar në nënparagrafin (b).

*Neni 378*

Në rastet ku kryhet një shkelje ose një parregullsi gjatë zbatimit ose lidhur me një operacion lejimi të përkohshëm sipas *Carnet ATA*, për të vjele detyrimet e importit për t'u paguar, zbatohen *mutatis mutandis* dispozitat lidhur me përdorimin e *Carnet ATA* si dokument tranziti.

*Neni 379*

Kur mallrat e importit janë vendosur në një zone të lirë ose magazinë të lirë, ose janë vendosur për ndonjë nga regjimet e mundshme me përjashtim të kushtëzuar nga detyrimet e importit, që mundëson mbylljen e regjimit të lejimit të përkohshëm, kutia e caktuar për përshkrimin e mallrave në dokumentin që lidhet me destinacionin doganor në fjalë, përveç të dhënave të paraqitura për regjimin në fjalë, duhet të përmbajë edhe shënimin: "*Mallra me lejim i përkohshëm*" me bojë të kuqe.

*Neni 380*

Kur zbatohet neni 113 i Kodit, autoritetet kompetente që miratojnë një transferim të tillë, duhet ta shënojnë këtë fakt në autorizim. Një transferim i tillë përfundon regjimin për mbajtësin e mëparshëm.

*Neni 381*

1. Kur parashikohet që operacionet e lejimit të përkohshëm mund të tejkalojnë periudhën e vlefshmërisë së *Carnet*it ATA për shkak se mbajtësi nuk është në gjendje të rieksportojë mallrat, shoqata që lëshon *Carnet*in mund të lëshojë një *Carnet* zëvendësues. Mbajtësi duhet t'ia kthejë *Carnet*in origjinal shoqatës që e lëshoi atë.

2. *Carnet*i zëvendësues depozitohet pranë zyrës doganore kompetente për vendin ku ndodhen mallrat, e cila kryen formalitetet e mëposhtme:

- a) mbyll *Carnet*in fillestar duke përdorur fletën e rieksporimit të cilën duhet ta kthejë pa vonesë në zyrën doganore fillestare për lejimin e përkohshëm;
- b) marr *Carnet*in zëvendësues dhe mban fletën e importimit, së pari duke shënuar në këtë fletë datën e fundit për rieksporimin siç tregohet në *Carnet*in fillestar, duke shtuar ndonjë zgjatje afati dhe numrin e *Carnet*it origjinal.

3. Kur mbyllet regjimi i lejimit të përkohshëm, zyra e rieksporimit:

- a) plotëson kundërfletën dhe kutinë H të fletës së rieksporimit;
- b) mban fletën e rieksporimit dhe pa vonesë ia kthen zyrës doganore të referuar në kutinë H (e),

duke përdorur fletën e *Carnet*it zëvendësues, e cila i kthehet pa vonesë zyrës doganore që pranon *Carnet*in zëvendësues.

4. Lëshimi i një *Carnet*i zëvendësues është përgjegjësi e shoqatës që e lëshon. Nëse *Carnet*i ATA skadon dhe mbajtësi i regjimit nuk është në gjendje të rieksportojë mallrat, dhe shoqata që lëshoi *Carnet*in refuzon të lëshojë një *Carnet* zëvendësues, autoritetet doganore kërkojnë plotësimin e një kërkesë të re, qoftë për importimin e përkohshëm pa detyrim doganor, qoftë për caktimin e një destinacioni tjetër doganor të përshtatshëm për mallrat në fjalë.

Seksioni 3

**Lejimi i përkohshëm i mjeteve të transportit**

*Neni 382*

Pa rënë ndesh me dispozitat të mëposhtme, të këtij seksioni, që parashikojnë shprehimisht kryerjen e veprimeve me mjetet e transportit, këto të fundit nuk lejohet të jepen hua, me qira, të vendosen peng, të transferohen, ose të vendosen në dispozicion të një personi të vendosur në Republikën e Shqipërisë.

*Neni 383*

1. Regjimi i lejimit të përkohshëm zbatohet edhe për automjete rrugore për përdorim tregtar.
2. Për qëllim të këtij neni, '*automjete*' do të thotë gjithë automjetet rrugore, përfshi rimorkiot që mund t'i bashkëngjiten këtyre automjeteve.
3. Pa rënë ndesh me paragrafin 4, regjimi i lejimit të përkohshëm i parashikuar në paragrafin 1, jepet me kusht që automjetet të jenë:
  - a) importuar nga një person i vendosur jashtë territorit doganor të Republikës së Shqipërisë,

- ose për llogari të këtij personi;
- b) përdorur për qëllime tregtare nga një person i tillë ose për llogari të tij;
  - c) regjistruar jashtë territorit doganor të Republikës së Shqipërisë në emër të një personi të vendosur jashtë këtij territori. Megjithatë, nëse automjetet nuk janë regjistruar, quhen të plotësuar kushtet e mësipërme kur automjetet në fjalë i përkasin një personi të vendosur jashtë territorit doganor të Republikës së Shqipërisë;
  - d) përdorur ekskluzivisht për transport që fillon ose mbaron jashtë territorit doganor të Republikës së Shqipërisë.
4. Kur një automjeti të regjistruar në territorin doganor të Republikës së Shqipërisë i bashkëngjitet një rimorkio, regjimi i lejitimit të perkohshëm mund të jepet edhe nëse nuk janë plotësuar kushtet e parashikuara në nënparagrafet 3(a) dhe (b).
5. Automjetet rrugore për përdorim tregtar mund të qëndrojnë në territorin doganor të Republikës së Shqipërisë në kushtet e paragrafit 3, gjatë gjithë kohës që nevojitet për kryerjen e operacioneve për të cilat është kërkuar regjimi i lejitimit të perkohshëm, p.sh. transportimi, hipja dhe zbritja e udhëtarëve ngarkimi, dhe shkarkimi i mallrave, transporti dhe mirëmbajtja.
6. Për qëllim të nënparagrafeve 3(a) dhe (b), personat që veprojnë për llogari të një personi të vendosur jashtë territorit doganor të Republikës së Shqipërisë duhet të jenë autorizuar në mënyrën e duhur nga personi i interesuar.
7. Duke anashkaluar nga paragrafi 3:
- b) automjetet për përdorim tregtar mund të drejtohen, në kushtet e parashikuara në paragrafin 6, nga persona fizike të vendosur në territorin doganor të Republikës së Shqipërisë;
  - c) Drejtoria e Përgjithshme e Doganave mund:
    - i) të lejojë në raste të jashtëzakonshme, që një person i vendosur në territorin doganor të Republikës së Shqipërisë të importojë dhe perdore automjete për qëllim tregtar të vendosura nën regjimin e lejitimit të perkohshëm, për një periudhë kohore që caktohet nga vete këto autoritete rast pas rasti, duke marrë parasysh rrethanat përkatëse;
    - ii) të lejojë që një person fizik i vendosur në territorin doganor të Republikës së Shqipërisë dhe i punësuar nga një person i vendosur jashtë këtij territori doganor, të importojë dhe të përdorë në këtë territor për qëllime tregtare, një automjet që i përket këtij të fundit. Automjeti i importuar nën regjimin e lejitimit të perkohshëm mund të përdoret edhe për qëllime private, me kusht që të jetë përdorim rastësor dhe dytësor në raport me përdorimin tregtar dhe të jetë parashikuar në kushtet e kontratës së punës.

*Neni 384*

1. Regjimi i lejitimit të perkohshëm zbatohet edhe për automjetet rrugore për përdorim privat.
2. Për qëllim të këtij neni, “*automjete*” do të thotë gjithë automjetet rrugore duke përfshirë edhe *roulettes* e rimorkiot të cilat mund t’i bashkëngjiten një automjeti.
3. Regjimi i lejitimit të perkohshëm për automjetet për përdorim privat i nënshtrohet kushteve që automjetet të jenë:
  - b) importuar nga persona të vendosur jashtë territorit doganor të Republikës së Shqipërisë;
  - c) përdorur për qëllime private nga këta persona; dhe
  - d) regjistruar jashtë territorit doganor të Republikës së Shqipërisë në emër të një personi të vendosur jashtë këtij territori. Megjithatë, nëse automjetet nuk janë regjistruar, kushti i mësipërm quhet se është permbushur, kur automjetet në fjalë i përkasin një personi të vendosur jashtë territorit doganor të Republikës së Shqipërisë.
4. Regjimi i lejitimit të perkohshëm zbatohet edhe në rastet e mëposhtme:
  - b) kur një automjet privat i regjistruar në vendin e qëndrimit normal të përdoruesit, përdoret rregullisht në territorin doganor të Republikës së Shqipërisë për udhëtim nga vendi i qëndrimit të tij në vendin e punës dhe anasjelltas. Autorizimi për të përdorur këtë regjim nuk i nënshtrohet asnjë kufizimi kohor;
  - c) kur një student përdor një automjet privat të regjistruar në vendin e tij të zakonshëm të qëndrimit, në territorin doganor të Republikës së Shqipërisë, ku studenti qëndron vetëm

- per te vazhduar studimet.
5. Pa rënë ndesh me paragrafin 4, automjetet rrugore për përdorim privat mund të qëndrojnë në territorin doganor të Republikës së Shqipërisë për:
- b) një periudhe deri në 6 muaj, të vazhdueshme ose jo, matur gjatë një periudhe 12 mujore;
  - c) periudhën gjatë së cilës studenti qëndron në territorin doganor të Republikës së Shqipërisë, në rastet e parashikuara në paragrafin 4 (b).
6. Paragrafet 4 (b) dhe 5 (b) zbatohen *mutatis mutandis* edhe për personat e ngarkuar me detyra me kohëzgjatje të përcaktuar, mes të tjerash, shkencetarë dhe mjekë.
7. Për qëllim të zbatimit të nënparagrafeve 3 (a) dhe (b), automjetet për përdorim privat nuk duhet të jepen me qira, në huadhenie ose të vendosen në dispozicion të dikujt pas importimit dhe, nëse në castin e importimit ishin dhene me qira, hua, ose ishin vënë në dispozicion të dikujt, nuk duhet të ri jepen me qira ose nënqira, ose hua ose të ri vendosen në dispozicion të një personi tjetër në territorin doganor të Republikës së Shqipërisë për qëllime të ndryshme nga rieksporimi i menjëhershëm.
8. Në bazë të paragrafit 7, automjetet për përdorim privat që i përkasin një shoqërie qiradhënëse automjetesh, selia e të cilës ndodhet jashtë territorit doganor të Republikës së Shqipërisë, mund t'u ri jepen me qira përsëri personave fizike të vendosur jashtë këtij territori me synim që të rieksporohen brenda një afati që caktohet nga Drejtoria e Përgjithshme e Doganave, nëse ndodhen në territorin doganor të Republikës së Shqipërisë gjatë kohëzgjatjes së një kontratë e qiraje.
9. Pavarësisht nga sa parashikohet në paragrafin 7:
- a) bashkeshortja/bashkeshorti dhe pasardhësit dhe paraardhësit në vije të drejte, të një personi fizik të vendosur jashtë territorit doganor të Republikës së Shqipërisë të cilet janë të vendosur normalisht jashtë këtij territori, mund të përdorin një automjet privat të vendosur tashmë nën regjimin e lejimit të perkohshëm;
  - b) një automjet për përdorim privat, i cili është vendosur nën regjimin e lejimit të perkohshëm, mund të përdoret në mënyrë rastësore nga një person fizik i vendosur në territorin doganor të Republikës së Shqipërisë kur një person i tillë vepron për llogari të, dhe sipas udhëzimeve të përdoruesit të regjimit, i cili ndodhet vetë në këtë territor.
10. Duke anashkaluar nenin 381:
- a) regjimi i lejimit të perkohshëm i parashikuar në paragrafin 8, duhet t'u jepet edhe personave fizike të vendosur në territorin doganor të Republikës së Shqipërisë;
  - b) automjetet mund të nxirren jashtë territorit doganor të Republikës së Shqipërisë nga një i punësuar i shoqërisë qiradhënëse të automjeteve, e vendosur në këtë territor.
11. Për qëllim të zbatimit të paragrafit 5 (a), për të nderprere afatin e qëndrimit të një automjeti të importuar nën regjimin e lejimit të perkohshëm në territorin doganor të Republikës së Shqipërisë, përdoruesi i regjimit të lejimit të perkohshëm duhet të njoftojë për këtë qëllim autoritetet doganore dhe duhet të respektojë të gjitha masat që gjykohen të pershtatshme nga keto autoritete për të parandaluar përdorimin e perkohshëm të automjetit.

#### Neni 385

1. Neni 384, me përjashtim të paragrafit 11, zbatohet *mutatis mutandis* edhe për kafshët e shalës dhe të punës dhe për mjetet e terhequra prej tyre, të cilet hyjnë në territorin doganor të Republikës së Shqipërisë.
2. Kafshet dhe mjetet e tërhequra prej tyre mund të qëndrojnë në territorin doganor të Republikës së Shqipërisë për një afat deri në 3 muaj.

#### Neni 386

1. Regjimi i lejimit të perkohshëm zbatohet edhe për mjetet e transportit hekurudhor.
2. Për qëllim të këtij neni, 'mjetet e transportit hekurudhor' do të thotë lokomotiva, vagona vetlëvizës hekurudhorë, si dhe vagonet e cdo lloji, të përdorur për transportin e personave ose mallrave.
3. Regjimi i lejimit të perkohshëm për mjetet e transportit hekurudhor i nënshtrohet kushtit që mjetet e transportit hekurudhor:
- a) t'i përkasin një personi të vendosur jashtë territorit doganor të Republikës së

Shqipërisë;

b) te jene regjistruar ne një rrjet hekurudhor jashte territorit doganor te Republikës së Shqipërisë.

4. Mjetet e transportit hekurudhor mund te qëndrojnë ne territorin doganor te Republikës së Shqipërisë per një periudhe deri ne 12 muaj.

5. Duke anashkaluar nenin 382, mjetet e transportit hekurudhor mund te vendosen ne dispozicion te një personi te vendosur ne territorin doganor të Republikës së Shqipërisë, me kusht që te jene perdorur bashkarisht sipas një marrëveshjeje e cila parashikon që secili prej rrjeteve hekurudhore mund të përdorë mjetet e transportit hekurudhor tjetrës, sikur të ishin të vetat.

#### *Neni 387*

1. Regjimi i lejitimit te perkohshem zbatohet edhe per mjetet e transportit ajror.

2. Mjetet e transportit ajror mund te qëndrojnë ne territorin doganor te Republikës së Shqipërisë gjate kohes që nevojitet per te kryer operacionet per te cilat kerkohet lejimi i perkohshem, mes te tjerash, transportimi, hipja dhe zbritja e udhëtarëve, ngarkimi ose shkarkimi i mallrave, transporti dhe mirmbajtja.

3. Kur mjetet e transportit ajror perdoren per transport ajror privat, duhet të plotësohen kushtet e meposhteme:

- a) te jene importuar nga persona te vendosur jashte territorit doganor te Republikës së Shqipërisë;
- b) te perdoren per qëllime private nga personi i interesuar;
- c) te regjistrohen jashte territorit doganor te Republikës së Shqipërisë ne emer te një personi te vendosur jashte ketij territori. Megjithate, ne qofte se mjetet e transportit ajror nuk jane regjistruar, kushti i mesiperm quhet se është permbushur kur mjetet e transportit ajror ne fjale i perkasin një personi te vendosur jashte territorit doganor te Republikës së Shqipërisë.

4. Mjetet e transportit ajror te perdorur per transport ajror privat mund te qëndrojnë ne territorin doganor te Republikës së Shqipërisë per një periudhe deri ne 6 muaj, qofte ky qëndrim i vazhdueshem ose jo, matur per një periudhe 12 mujore.

#### *Neni 388*

1. Regjimi i lejitimit të përkohshëm zbatohet edhe për mjetet e transportit detar dhe transportit të ujrave të brendshme.

2. Mjetet detare dhe të lundrimit në ujrat e brendshme mund të qëndrojnë në territorin doganor të Republikës së Shqipërisë për gjithë kohën e nevojshme për kryerjen e operacioneve për të cilat kërkohet regjimi i lejitimit të përkohshëm, mes të tjerash, transportimi, hipja dhe zbritja e udhëtarëve, ngarkimi ose shkarkimi i mallrave, transporti dhe mirmbajtja.

3. Kur mjetet e transportit detar dhe ujqor të brendshem përdoren për transport detar dhe ujqor të brendshem privat, duhet të plotësohen kushtet e mëposhteme:

- a) të jenë importuar nga persona të vendosur jashtë territorit doganor të Republikës së Shqipërisë;
- b) të përdoren për qëllime private nga personi i interesuar;
- c) të jenë regjistruar jashtë territorit doganor të Republikës së Shqipërisë në emër të një personi të vendosur jashtë këtij territori. Megjithatë, në qoftë se mjetet e transportit detar dhe ujqor të brendshëm nuk janë regjistruar, kushti i mësipërm gjykohet se është përmbushur kur mjetet e transportit detar dhe ujqor të brendshëm në fjalë i përkasin një personi të vendosur jashtë territorit doganor të Republikës së Shqipërisë.

4. Mjetet e transportit te permendur ne paragrafin 3, mund te qëndrojnë ne territorin doganor te Republikës së Shqipërisë per një periudhe deri ne 6 muaj, qofte ky qëndrim i vazhdueshem ose jo, matur per një periudhe 12 mujore.

5. Duke anashkaluar nenin 382, ne raste te jashtezakonshme, kur infrastruktura e portit liqënor jashte territorit doganor te Republikës së Shqipërisë nuk është e pershtatshme per ankorimin e mjeteve te ujrave te brendshme te transportit per perdorim privat, Drejtoria e Pergjithshme e Doganave mund te lejoje që një person fizik i vendosur ne territorin doganor te

Republikës së Shqipërisë të importojë një mjet lundruar të vendosur nën regjimin e lejimit të perkohshëm, dhe përdorimin e mjetit në fjalë në atë pjesë të liqënit që i përket Republikës së Shqipërisë, kur liqëni shtrihet mes këtij territori dhe territorit të vendit ku është regjistruar vetë mjeti. I interesuari duhet të sjellë prova të panueshme nga Drejtoria e Përgjithshme e Doganave, për mungesën e kushteve të infrastruktures së portit liqënor.

*Neni 389*

1. Regjimi i lejimit të perkohshëm zbatohet edhe për paletat.
2. Paletat të cilat mund të identifikohen mund të qëndrojnë në territorin doganor të Republikës së Shqipërisë për një periudhë deri në 12 muaj, periudhë e cila me kërkesën e personi të interesuar mund edhe të shkurtohet.
3. Paletat, përjashtuar ato të përmendura në paragrafin 2, mund të qëndrojnë në territorin doganor të Republikës së Shqipërisë për një periudhë deri në 6 muaj, periudhë kjo e cila me kërkesën e personit të interesuar mund të shkurtohet.

*Neni 390*

1. Regjimi i lejimit të perkohshëm zbatohet edhe për konteinerë të miratuar për transport nën plumbosjen doganore, ose thjesht të pajisur me shenja identifikuese kur hyjnë në territorin doganor të Republikës së Shqipërisë për llogari të pronareve të tyre, të përdoruesit ose të përfaqësuesve të secilit prej tyre.
2. Konteinerët, përveç atyre të përmendur në paragrafin 1, pranohen nën regjimin lejimit të perkohshëm kur një gjë e tillë autorizohet nga autoritetet doganore.
3. Konteinerët e vendosur nën regjimin e lejimit të perkohshëm mund të qëndrojnë në territorin doganor të Republikës së Shqipërisë për një periudhë prej 12 muajsh.
4. Konteinerët e vendosur nën regjimin e lejimit të perkohshëm, përpara se të rieksporthen nga territori doganor i Republikës së Shqipërisë, mund të përdoren në trafikun e brendshëm. Megjithatë, konteineret mund të përdoren një herë për çdo qëndrim në Republikën e Shqipërisë, për transportimin e mallrave të ngarkuara brenda territorit doganor të Republikës së Shqipërisë dhe synohet të shkarkohen brenda po këtij territori, kur konteineret në rast të kundërt duhet të kryenin një udhëtim të pangarkuar brenda këtij territori.
5. Pa rënë ndesh me dispozitat lidhur me regjimin e lejimit të perkohshëm të aksesoreve të pjesëve të kembimit dhe pajisjeve të zakonshme për konteinerë, aksesoret e konteinerëve dhe pajisjet e zakonshme për konteinerë, mund të importohen ose me një konteiner për rieksportim të metejshëm vecmas, ose me një konteiner tjetër, ose vecmas për rieksport të metejshëm me një konteiner.

*Neni 391*

1. Neni 391 (1) zbatohet për konteinerë, pavarësisht nëse ata janë miratuar ose jo për plumbosje nga dogana, të cilat mbajnë në një vend të pershtatshëm dhe të dukshëm, të dhenat e mëposhtme të shkruara në mënyrë të tillë që të jete e rezistueshme:
  - a) identitetin e pronarit ose të përdoruesit;
  - b) shenjat e identifikimit të konteinerit dhe numrat e konteinerit, të vendosura nga pronari ose përdoruesi;
  - c) pesha e tarës së konteinerit, duke përfshirë edhe atë të pajisjeve të fiksuara të tij; dhe
  - d) vendin të cilit i përket konteineri.
2. Megjithatë, të dhenat e përmendura në paragrafin 1 (c) nuk kërkojnë në rastin e shenjave dalluese të kasave të levizshme, të cilat përdoren në transportin e kombinuar rrugor-hekurudhor, dhe gjithashtu të dhenat e përmendura në nenin 1 (d) nuk kërkojnë në rastin e konteinerëve të përdorur në transportin ajror.
3. Vendi të cilit i përket konteineri, mund të tregohet i plote ose pjesërisht, nepermjet kodit të vendit ISO alfa-2, të parashikuar në Standardin Ndërkombëtar ISO 3166, ose nepermjet siglave/shenjave dalluese që përdoren për të treguar vendin e regjistrimit të automjeteve për qarkullimin rrugor ndërkombëtar, ose kur është fjala për kasa të levizshme të përdorura në transportin e kombinuar rrugor-hekurudhor, me anë shifrash. Identiteti i pronarit ose përdoruesit mund të tregohet duke shënuar emrin e tij të plote, ose një mënyrë të tjetër të caktuar identifikimi, përjashtuar simbole të tilla si emblema ose flamurë.
4. Quhen të miratuar për transport nën plumbosjen doganore konteineret që:



- a) në vijim të informacionit të parashikuar në paragrafin 1, mbajnë edhe detajet e mëposhtëme të cilat do të vendosen në targën e miratimit sipas rregullave të parashikuara në paragrafin 5, të tilla si:
    - i) numri i serisë së prodhimit (numrin e prodhimit), dhe
    - ii) numri ose shkronjat e identifikimit të llojit, nëse ka të tilla për atë lloj,
  - b) plotesojne kushtet teknike të cilave u referohet paragrafi 5; dhe
  - c) janë miratuar në përputhje me procedurat e parashikuara në paragrafin 5.
5. Normat teknike që zbatohen për konteineret të cilët mund të miratohen për transport nën plumbosjen nga dogana dhe procedurat lidhur me plumbosjen në fjalë, duhet të jenë në përputhje me dispozitat e Pjesës I dhe Pjesës II të Aneksit 7 të Konventës TIR.
6. Kur gjenden konteinerë të miratuar të cilët nuk përputhen me normat teknike të cilave u referohet paragrafi 5, ose kur konteineri ka defekte thelbësore të tilla që nuk përputhet me standartet sipas të cilave ishte miratuar për transport nën plumbosje nga dogana, zyra doganore duhet të veprojnë sipas Aneksit 53.

*Neni 392*

1. Regjimi i lejimit të përkohshëm jepet për pjeset e zakonshme të kembimit, aksesoret dhe materialet, përfshi edhe pajisjet e zakonshme për stivimin, fiksimin ose mbrojtjen e mallrave, të importuara bashkë ose veçmas nga mjetet e transportit për të cilat duhet të përdoren.
2. Pjeset e kembimit të importuara bashkë me mjetet e transportit për të cilat ato do të përdoren ose veçmas prej këtyre mjeteve, shërbejnë vetëm për riparime të vogla ose për mirëmbajtjen e zakonshme.
3. Operacionet e zakonshme të mirëmbajtjes dhe riparimit të mjeteve të transportit që dalin të nevojshme gjatë udhëtimit nëpër ose brenda territorit doganor të Republikës së Shqipërisë, nuk përbejnë ndryshim në kuptimin e nenit 157 të Kodit, dhe mund të kryhen gjatë regjimit të lejimit të përkohshëm.

*Neni 393*

Vendosja e mjeteve të transportit nën regjim, autorizohet pa qënë e nevojshme të bëhet kërkesë me shkrim ose të lëshohet autorizim.

*Neni 394*

1. Mjetet e transportit kur nuk i deklarohen me shkrim ose me gojë autoriteteve doganore, vendosen nën regjimin e lejimit të përkohshëm nëpërmjet veprimit të përshkruar në nenin 157 (1).
2. Në bazë të nenit 111 të Kodit, vendosja nën regjimin e lejimit të përkohshëm e mjeteve të transportit të cilat nuk deklarohen, nuk i nënshtrohet depozitimit të garancisë.
3. Duke anashkaluar paragrafin 1, kur zyra doganore mbikqyrëse, në castin e vendosjes nën regjim ose kur kryhen kontrolle, gjykon që ka një rrezik të lartë të mospermbushjes së kushteve të rieksporimit të një mjeti transporti, regjimi i lejimit të përkohshëm zbatohet kundrejt:
  - a) paraqitjes së një deklarate të perpiluar në përputhje me nenin 130 (1);
  - b) deklarimit gojor, në rastin e konteinerëve, të shoqëruar nga një listë e cila duhet të përmbajë:
    - i) emrin, emrin e shoqërisë dhe adresën e përdoruesit ose përfaqësuesit të tij,
    - ii) mënyrat e identifikimit të konteinerëve,
    - iii) numrin e konteinerëve, sasinë dhe natyrën e pjesëve të këmbimit, të aksesoreve dhe pajisjeve.
4. Pa rënë ndesh me paragrafin 2, kur zyra doganore mbikqyrëse gjykon se nuk është e sigurtë pagesa e borxhit doganor që mund të lindë, duhet të zbatohet paragrafi 3 dhe depozitimi i garancisë është i detyrueshëm.

*Neni 395*

1. Mjetet e transportit të vendosura nën regjimin e lejimit të përkohshëm pas mbylljes së regjimit të perpunimit aktiv, trajtohen si mjete të transportit të cilat janë sjelle në territorin doganor të Republikës së Shqipërisë.

2. Data e vendosjes nen regjimin e lejimit te perkohshem te mjeteve te transportit te cilave u referohet paragrafi 1, është data ne te cilen ato jane perdorur per here te pare nen regjim.

3. Per qëllim te perpilimit te dokumentit te mbylljes se regjimit, të parashikuar ne regjimin e perpunimit aktiv, perdoruesi i regjimit te importit te perkohshem duhet te pajisë mbajtesin e autorizimit për perpunim aktiv me një vertetim që permban te informacionin që nevojiten per përpilimin e dokumentit për mbylljen e regjimit.

*Neni 396*

Pjesëve të zevendesuara si pasoje e riparimeve ose mirembajtjes dhe pjesëve te reja te kembimit, te cilat jane demtuar ose me defekt, u caktohet ndonjë nga destinacionet doganore të lejuara për mallrat e importit.

*Neni 397*

Ne rastin e mjeteve të transportit hekurudhor dhe paletave të perdorura se bashku në baze marreveshjeje, mbyllet gjithashtu regjimi kur mjetet e transportit hekurudhor te te njëjtit lloj ose paletat e te njëjtit lloj ose me vlerë të barazvlefshme me me ato te cilat i ishin vënë ne dispozicion një personi te vendosur ne territorin doganor të Republikës së Shqipërisë, u caktohet ndonjë nga destinacionet doganore të lejuara.

*Neni 398*

1. Kur mjetet e transportit vendosen nën regjimin e lejimit të perkohshem pa ndonjë deklaratë, regjimi mbyllet:

- a) në rastin e rieksporimit, në menyren te ciles i referohet neni 157 (2);
- b) në rastin e deklaratës për ndonjë destinacion tjetër doganor, në mënyrën e specifikuar për të deklaruar për destinacionin doganor në fjalë.

2. Kur zbatohet neni 349 (3), regjimi i lejimit të perkohshëm lidhur me mjetet e transportit të cilave u referohet, mbyllet duke paraqitur mjetet e transportit për ndonjë nga destinacionet doganore të lejuara, bashkë me deklaratën brenda afatin kufi te përcaktuar nga autoritetet doganore kur një dokument i tille ishte leshuar ose ishte depozituar deklarata.

*Neni 399*

Autoritetet doganore mund te revokojnë autorizimin e regjimit te lejimit te perkohshem kur, pa rene ndesh me përjastimet e parashikuara ne këtë Kre dhe pa rene ndesh me fillimin e cështjes penale, mes të tjerash konstaton se:

- a) mjetet e transportit rrugor për perdorim tregtar jane perdorur per trafik te brendshëm;
- b) mjetet e transportit për perdorim privat jane perdorur për qëllime tregtare në trafik te brendshem;
- c) mjetet e transportit jane dhënë me qira, huadhënie ose vënë në dispozicion pas importimit të tyre ose nëse ishin të dhëna me qira, hua ose në dispozicion ndërkohë që u importuan, janë ridhënë me qira ose nënqira, hua ose janë në vënë në dispozicion një personi tjetër në territorin doganor të Republikës së Shqipërisë për cdo qëllim tjetër përveç rieksporimit të tyre të menjëhershëm.